

三藩紀事本末 大興傅氏藏本 下



浙江圖書館



浙江圖書館



浙江圖書館



浙江圖書館




浙江圖書館



浙江圖書館

三藩紀事本末卷三



青浦楊陸榮采南氏編

楊劉萬殉顛

崇禎甲申闖賊破京師江西在籍翰林院修撰劉同
升聞變痛哭幾絕檄告江西十三郡紳士舉義復仇
縞素別丘壟而出至南昌遇職方主事楊廷麟大集
紳士於澹臺祠為懷宗發喪涓吉誓師進發福王立
授同升左中允廷麟左庶子俱辭不拜唐王立於福
州擢同升少詹事兵部侍郎總理江西而廷麟以東

閣大學士召廷麟以國破君亡偷安海甸爲非計辭
不拜與顛撫李永茂及同升共舉義旗會粵東有入
衛兵三千過顛卽疏留之立忠誠社於贛州招致四
方之士於是王其宏其隆劉明保彭曰趣等各率家
丁自贛糧入社立功者幾二萬人廷麟乃大享士於
城西率兵收萬安抵泰和復吉安全郡乃奉表迎唐
王赴贛 順治二年乙酉十一月李永茂以憂歸而萬
元吉以總制七名至顛與同升廷麟同心規畫時永
寧王已復撫建約同下省而同升已病未幾湖東告

潰十二月同升卒於雩都事以不果初元吉佐楊嗣
昌史可法兩閣部軍與江西搃兵金聲桓素善聲桓
收江右以書幣招元吉元吉辭以各行其志聲桓勿
逆也至是元吉主撫金以恢省因移書聲桓聲桓頗
心動而未決三年丙戌三月吉安守將胡長蔭違元
吉節制爲我將柯永盛所敗吉安復失元吉走皂口
欲赴水永豐令林全春亟持之乃還保贛州 我兵
尾之拔萬安遂圍贛聲桓聲問遂絕給事中楊文薦
者奉命往湖南過贛見事急願留共城守元吉賴之

先是正月延麟招降峒寇得四萬人所謂四營者也
張安者四營之一驍勇善戰賜名龍武新軍元吉倚
之而襲視雲南廣東諸軍諸軍解體五月江西巡撫
劉遠生督張琮來援戰於梅林而敗龍武新軍亦敗
於梅林於是援兵皆不敢前元吉苦客將不用命且
出掠爲民患乃謀鍊士著更番出戰頗有斬獲我
兵移下沙然元吉御兵士嚴刑威不少假貸故兵士
不樂爲之用壻圍久王賜郡名忠誠加元吉兵部尚
書文薦僉都御史六月李永茂遣副將吳之蕃以廣

東兵五千至七月吏兵兩部尚書郭維經奉命總理
江西湖廣軍事與御史姚奇偕沿途募兵得八千人
至雲南援將趙印選胡一青率兵三千至大學士蘇
觀生遣兵亦如之兩廣總督丁魁楚亦遣兵四千至
軍聲頗振諸軍皆欲戰而元吉欲俟水軍至共擊是
時中書舍人來從謬募砂兵三千吏部主事壘焚兵
部主事黎遂球募水軍四千皆屯南安不敢下兵部
主事王其宏謂元吉日水師羅明受海盜也桀驁難
制且今水涸舟行爲難豈能如約不聽八月大軍

三
卷三
三
聞水師將至卽令兵士夜截諸江焚巨舟八十明受
遁於是諸營皆散去元吉弟六吉調廣西狼兵八千
至南安亦不戰潰已聞唐王被難汀州全城氣索十
月天霧雨雪 我兵乘夜上城城破元吉率士巷戰
奪門出至東關歎曰大事去矣投真江而死廷麟死
於清水塘我將賈熊歎爲忠臣以四扇門爲棺瘞之
東門之外維經與奇胤同縊於嵯峨寺湖西兵僞僉
事加大常卿彭期生衣冠自縊職方主事周瑚被獲
磔死通判王明汲編修兼兵科給事中萬發祥吏部

主事龔棻戶部主事林琦兵部主事王其竑同弟其
隆黎遂球柳昂霄魯嗣宗錢謙亨中書舍人袁從謨
劉孟銷劉應試推官署府事吳國球監紀通判郭寧
登訓導徐君鼎都督僉事劉天駟臨江推官胡縝巔
縣知縣林逢春皆被戮邑人河南同知盧觀象盡驅
男婦入池乃自沉死馬平知縣謝讚與子肩繡姪肩
斗衣冠自縊舉人劉日佐同母妻子姪弟婦同日自
盡薦授萬州判官月世光携幼孫同盧觀象赴池死
世襲龔衛千戶孫經世同弟緯世紘世閻門自焚死

監紀軍務聶邦晟同子士爍士煥妻劉閔門死貢生
楊萬言同妻子赴池水死庠生郭其昌同妻范號泣
三日死董續卿同子麒兆正宸正朝俱死之謝明登
同妻羅子佛生赴池死馮復京同妻張對縊死余學
義母周先自縊學義同妻鍾子婦丘二孫赴水死陽
麗天同妻赴清水塘死金之杰巷戰殺數人携妻赴
水死王統王繩縊於文廟周葵陳君猷積薪自焚死
鄉約謝明登同妻楊赴井死雩都訓導胡董明被執
見殺寧都會嗣宗楊俱自經死書工趙廷瑞赴水

死織人熊國本赴義忠誠社至是被執顛令舉人也
叱之曰爾織人何知義國本日織人不知義舉人顧
當爲不義耶引出斬之叅將陳烈其弟降於我烈奮
勇疾鬪至是被執其弟勸之降不從乃殺之其以流
寓同難者廣東提學道符遡中同兄述中新喻進士
萬發祥廬陵庠生段之渾新喻庠生蕭瑛

浙

三才圖會
卷三

五

浙江圖書館

金王之亂

金聲桓字虎夫遼東衛籍 王師平遼東全家被俘

獨聲桓跳走入關王得仁闖部裨將驍勇善戰軍中

所稱王禰毛者也聲桓性沈猜善持兩端以軍功累

官總兵都督同知隸左良玉後軍 順治二年乙酉五

月左夢庚率之來降命與闖部降將王體忠合榮規

取江右未幾聲桓矯殺體忠以得仁代之江右既平

聲桓自以爲不世功旦夕望侯及收江疏還僅授副

總兵而得仁銜不列得報氣沮招撫孫之獬至南昌

聲桓所置將吏漸有更易江撫李鳳翔繼之益加裁制聲桓心怏怏聲桓常師事維揚僧德宗德宗每奇聲桓嘗拊聲桓背曰勉旃二十年江右福力變紅頭蟲此其候也及是果着紅纓建牙江省益尊信之德宗每爲聲桓言勸其改圖南昌胡以寧在聲桓幕中言如德宗指胡澹陳大生等各緣以迎合聲桓又覘知得仁所居故宜春王第每後堂張宴自着明衣冠令優伶演郭子儀韓世忠故事諸客聞之益心動先是福州之破仕閩者或有空頭敕劄持歸至是因緣

間露且言唐王尙在二帥聞之益自喜且負江撫李
鳳翔死章於天代之遇諸將益倨索賄無厭是一日
宴於藩署席地鋪氊文吏皆坐氊而聲桓得仁顧坐
氊外得仁有忿色於天嘻咲顧視曰王把總欲反耶
宴歸二帥耻甚四年丁亥七月得仁提兵往建昌于
天又遣人索賂累億得大怒裂眦大有惡言八月歸
自建昌勸聲桓速舉事而聲桓以前遼東被俘妻子
留京未歸又胡以寧新亡遣人往湖南覘知何騰蛟
爲我兵所敗遲疑未發巡按董學成至有以二家

陰事告者學成揚言欲奏聞而陰索得仁賂並其侍
兒得仁恐以侍兒予之則居家狀泄有驗堅不肯予
時幕中諸客詭言唐王在五子寨二帥卽遣客往探
唐王實耗客卽假唐王命封聲桓爲鎮江公得仁爲
維新侯二帥大喜過望五年戊子正月章于天忽率
數騎出瑞州捕掠諸富室或告得仁曰此非爲索賄
賂也前聞有滿騎數千不知所往或徑往贛州約同
贛撫會議而後發發則須攝公等得仁大懼適聲桓
妻子還自燕聲桓乃召胡澹等入議遣人以書約山

東河南並發得仁提兵出建昌合搗楊諸部然後舉
議既定或說得仁曰聲桓疑而多詐脫中變而公顧
居外且奈何不若坐據省會仗鉞投袂爲必不可過
之勢脅聲桓聲桓不敢不從但貴神速耳得仁大喜
立傳令部勒全營杜七門圍守董學成官署時正月
二十六日夜漏下三十刻矣翌日癸亥七門不啓得
仁躬環甲往縛學成赴聲桓署自狀聲桓藩伏問故
得仁曰詔云然何敢後也聲桓唯唯得仁卽前爲聲
桓割辨以聲桓令箭傳示諸協悉去辨出示安民稱

隆武四年卽日絞殺學成及副使成大業軍民戴滿
帽者輒射之城中文棄纓笠積如山阜得仁遣將擒
章於天於江中聲桓首迎在籍閣臣姜曰廣入省諸
金弟族皆爲都督得仁婦弟黃天雷爲兵部侍郎聲
桓幕客黃人龍爲總督二人各開幕門如市初聲桓
誅體忠後謀嘗與得仁合及是各自爲功所樹吏率
分東西府嫌隙始開二月朔得仁提兵下九江胡澹
說得仁宜乘破竹之勢疾趨建業下流猝無備必舉
建業舉則充豫響應率兵而北中原可傳檄定也而

聲桓聞捷輒名得仁還得仁以澹謀告聲桓衆皆主
之獨黃人龍不可曰贛州居省上流文武督在焉宜
先定贛不然且擬我後聲桓從之立議取贛聲桓得
仁偕行而以宋奎光守南昌兵圍贛州城固不可克
聲桓乃令得仁往綴章貢上下而自引兵踰嶺恢雄
韶時南中頌永曆年號至乃遂稱永曆四年聲桓遺
書廣督李成棟共興復成棟遂叛拜表粵東迎永明
王駐肇慶王因實封聲桓爲昌國公得仁爲新喻侯
師留贛且老省內虛四月 大兵入湖口五月朔破

江偽守將吳高遁二日下南康偽守將白之齋潰
七日千騎至石頭猶不意為我兵也見紅纓白帳

始色駭明日鐵騎滿西山矣我因山譚泰先從東入
破饒州饒州偽將潘永禧遁王師尾之至南昌而

令偏將自潯入搜麥源青嵐諸道薄西山故未下營
血刃已數百里大兵圍南昌聲桓兄成功約降於

我奎光謀知殺之得仁部將貢鰲聲桓部將楚國佐
以其軍叛奎光追及復殺之大兵攻得勝門城壞

數處奎光囊土塞之得不破旋出神鎗火箭焚我攻

具 我兵少却報至顛聲桓得仁大懼撤兵急回顛
帥掩擊亡其大半十九日聲桓僞先鋒劉一鵬與我
戰獲大炮三得仁繼至聞前捷卽氣揚甚不鞅馬而
馳中伏大敗於七里街卽氣索甚盡撤城外屯兵入
壁金部僞將郭天才爭之不得自扎黃泥洲爲犄角
天才所統盡川卒精銳無敵先提偏師入閩不克歸
我兵已圍南昌矣天才三戰三捷 我兵頗憚之
宋奎光單騎渡江按行地利請移兵二隊一駐生米
渡一駐市汊以達餉路天才請大舉逐 我兵皆不

聽專主堅壁 我兵雖勝每慮得仁襲之軍中常夜
驚王禠毛來也久之見城中終無出兵意乃用鎖圍
法東自王家渡屬灌城西自雞籠山屬生米渡掘壕
載版起土城自是內外耗絕設南昌令於白茶市新
建令於蛟溪徵役索賦安坐而制其斃得仁自亡軍
後不復親督陣方娶武都司女爲繼室繡飾親迎金
鼓喧襍我瞭者望而大駭莫疑爲王禠毛娶婦也十
月郭天才亦撤軍入城已城中糧盡人相食乃大出
居民兩帥情實盡爲我得我因得以餘暇旁收郡縣

西南逐偽守張啟祥西北降偽寧將鄧雲龍東南破
傅鼎銓之援師北戕余應柱於都昌劉斯垓於梓溪
東收徐光程西破丁家塘土塞聲桓聞之惟嘆措悼
恨而已十有二月我師再乘城山東人全時鳴令
以鐵網籠之鐵鈎曳而傷之損傷過當六年己丑正
月聲桓部將湯執中守進賢門其偏裨某約來降譚
固山因以厚陣佯攻得勝門炮聲聞二百里兩帥齊
師赴焉而奇兵已從進賢門梯而上城遂陷聲桓赴
池水死得仁陣獲磔死宋奎光劉一鵬郭天才皆破

執不順命死姜曰廣赴僕家池死得仁突得勝門三
出三入與譚固山馬首再相值譚不知其爲得仁得
仁亦不知其爲譚也初聲桓之主堅壁也以待廣師
之援而吳尊周所草乞師表文但陳勝狀而不告急
旣聞江事危急乃遣李亦心由袁吉李成棟出南雄
會南昌赤心逗留不進成棟敗死信豐遂以不救

浙

王師南征

順治四年丁亥三月我大清命定南王孔有德靖

南王耿仲明平南王尚可喜等率兵下湖南定興伯何騰蛟與總兵郝永忠退保衡州張先璧走寶慶

湖北巡撫堵胤錫走永定衛王有才

馬進忠等走五溪山中五月大兵抵衡州永忠北

總兵黃朝宣等被擒騰蛟退保永州從者惟滇將趙

印選胡一青等數人八月大兵破武岡常德寶慶

盡失總兵劉承胤敗績來降永明王走靖州由蠻道

以達柳州土司覃鳴珂與守道龍友明相攻遂陷柳
州大及王舟中王走象州時 大兵已定湖南永州
亦破騰蛟與永忠盧鼎俱入桂林與留守瞿式耜議
分地給諸將俾自爲守式耜督焦璉復陽朔及平樂
陳邦傳復潯州合兵復梧州粵西尙稱全土王回桂
林五年戊子二月 大兵入粵西永忠潰於興安返
入桂林大掠三月 大兵至桂北門垂被聞金聲桓
反於江西乃退入楚五月騰蛟復全州六月成棟以
粵東叛歸於王王封成棟惠國公聲桓豫國公一云

昌國公王得仁冬養甲士承和等侯伯有差成棟子
元胤爲錦衣指揮使王返肇慶騰蛟復督師出湖南
由永入衡胤錫亦以忠貞營自常德趨湘潭十月成
棟犯贛州先是江西悉反惟贛州爲我將高進庫所
守聲桓攻之不克乞師粵東成棟援之戰不利退屯
南康縣六年己丑正月大兵破南昌烏金玉下湘
潭執騰蛟二月成棟敗於信豐騎而渡河馬蹶隨水
死事聞以杜永和爲兩廣總督駐廣州代成棟羅成
耀守南雄大兵由湘潭薄衡州胤錫敗衡永俱不

守十二月我平南王及嗣靖南王耿繼茂下廣東羅
成耀遁南雄不守七年庚寅正月十四日下韶州王
聞庾關失守奔梧州留馬吉翔李元胤守肇慶二月
大兵圍廣州調潯帥陳邦傳及忠貞營高必正東
援邦傳故與元胤有隙意在修怨又憾必正等之屢
擾其境也陰令副將姚春登等連結土司會李來亨
等調兵土司遂相仇殺必正怒而歸忠貞營者成孽
餘黨胤錫所招撫者也時散處賓橫間故邦傳惡其
擾時李赤心已死故必正領其營邦傳駐清遠馬吉

翔駐二水俱不敢進以城守久進永和爵爲侯元胤
弟建捷力戰有功封安肅伯廣州城三面臨水成棟
在時復築兩翼附於城外爲砲臺水環其下 大兵

攻圍十閱月不下永和徧將范承恩爲內應決砲臺
之水 大軍藉薪竟渡遂得砲臺十二月二日城破

永和由海道奔瓊州建捷奪圍至肇慶邦傳潰於三
水而我定南王亦已入全州五日破桂林

詳見式邦
邦殉粵邦

傳聞桂林破遣兵邀劫從官於藤江殺部郎潘駿觀
許王鳳等王踉蹌奔南寧胡一青趙印選率兵駐賓

州八年辛卯 大兵取肇慶元胤建捷奔南寧會孫
可望遣賀九義殺內閣嚴起桓等元胤忿甚請出靈
出收高雷之兵迎王入海至欽州爲土兵王勝堂所
執送靖南王所不順命令作書招杜永和亦不從與
弟建捷俱斬於市九月陳邦傳叛降於靖南王報至
南寧王震恐議奔廣南後軍印邁一青之師復敗與
大兵相去不五十里王遽出水道走土司抵瀨湍
轉入羅江土司次龍英至廣南歲已暮矣時可望已
受秦封遣人來迎九年壬辰二月可望遷王於安陸

改名安隆 大兵取瓊州杜永和來降

館

書

圖

江

浙

卷之三

三才圖會卷三

三

浙江圖書館

何騰蛟殉楚

崇禎癸未起何騰蛟右僉都御史代王聚奎巡撫湖
廣初騰蛟爲南陽知縣數摧賊鋒已從巡撫陳必謙
破賊安臯山及討平土寇益知名後以部郎出僉懷
來憂歸起淮徐兵備復平土寇至是遂有是擢時左
良玉屯武昌橫甚順治元年甲申五月福王自立於
江南詔至良玉時在漢陽有異言騰蛟赴良玉軍爭
之而良玉叅軍盧鼎亦言於良玉乃開讀如禮八月
王加騰蛟兵部侍郎兼撫湖南尋以故官總督湖南

四川雲南貴州廣西軍務乙酉南京有北來太子事
良玉遂舉兵東下邀騰蛟與俱不可則盡殺城中人
以劫之騰蛟急解印付家人速走將自刎爲良玉部
將擁去舟至漢陽騰蛟乘間躍入水中漂十餘里遇
漁舟救之起則闕壯繆廟也而所遣家人懷印者亦
在相視大驚遍覓漁舟已不見蓋有神祐云騰蛟乃
從寧州轉潯陽抵長沙集屬吏痛哭盟誓權令堵盾
錫攝湖北巡撫傅上瑞攝湖南巡撫章鏞爲總督監
軍周大啟提督學政嚴起恒衡永道督一郡軍食吳

晉錫以長沙推官攝郴桂道隨遣曠調黃朝宣張先
璧劉承胤等兵先後俱至而良玉已死五月唐王自
立於福州王素知騰蛟賢委任益至李自成死其將
劉體仁郝搖旗等觀望無所歸騰蛟遣部將萬大鵬
招之搖旗等大悅與大鵬俱至長沙騰蛟開誠撫慰
於是蘭養成王進才牛有勇皆來歸驟增兵二十餘
萬軍聲大振既而自成部將李錦高必正率衆逼常
德騰蛟命胤錫撫之亦來降於是自成餘黨悉歸騰
蛟一時詫異事而騰蛟上疏止言元寇已除宜告郊

廟不言已功唐王大喜拜騰蛟東閣大學士兼兵部

尚書封定興伯仍督師規取兩江於是騰蛟部置降

卒參以舊軍乃題授黃朝宣張先璧為總兵官劉承

胤李赤心

即李錦改名

郝永忠

即郝搖旗改名

袁宗弟王進才及

董英馬盡忠馬士秀曹志建王允成廬鼎並開鎮湖

北時所謂十三鎮者也丙戌正月騰蛟拜表出師李

赤心敗於湖北騰蛟威望自此損已而唐王死於汀

州騰蛟聞之大慟永明王立以騰蛟為武英殿大學

士加太子太保丁亥

大兵逼長沙騰蛟不能守單

騎走衡州長沙湘陰盡失時守衡州者盧鼎而張先
璧率兵突至鼎不能抗走永州先璧遂挾騰蛟走祁
陽趨辰州騰蛟脫還赴永州甫至而鼎部將復大掠
鼎走道州騰蛟與侍郎嚴起恒走白牙市 大兵遂
平衡承於是前所置十三鎮者皆起而爲盜未幾部
將周金湯復永州六月騰蛟在白牙市諸將皆不用
命劉承胤由小校騰蛟薦至大帥封定蠻伯尤忌騰
蛟於是騰蛟與爲姻奏王進安國公勛上柱國而承
胤益驕忌騰蛟出己上欲奪其權騰蛟固無如承胤

何也於是騰蛟無兵王命雲南援將趙印選胡一青
兵隸之八月 大兵破武岡常德寶慶盡失永亦再
失王由柳州將返桂而城中惟焦璉一軍兵孱甚騰
蛟率印選一青入助會盧鼎亦以兵至桂林乃安戊
子正月加騰蛟太師爵世侯二月郝永忠趙印選兵
大掠桂林 大兵偵知直抵桂北門騰蛟與璉一青
分門拒守 大兵乃還三月李成棟以廣東叛歸於
王 大兵暫回於是騰蛟復全州保昌侯曹志建宜
章侯盧鼎新興侯焦璉新寧侯趙印選復永州職方

主事李甲春復寶慶諸將復衡州馬進忠復常德騰蛟議進兵長沙適李赤心自夔州至督師堵盾錫令進忠以常德讓赤心進忠大怒盡驅居民出城焚廬舍走武岡諸將皆空城走騰蛟聞之大駭己丑正月携吏卒三十人邀赤心赤心至湘潭見空城也不守去騰蛟入湘潭大兵見騰蛟入空城遣徐勇入之勇故騰蛟部將勸騰蛟降騰蛟不從乃擁之去絕粒七日不死乃殺之騰蛟所居有神魚井井故無魚也騰蛟生魚忽滿井皆五色騰蛟既遇害井魚亦空

二
三
四
五
六
七
八
九
十
十一
十二
十三
十四
十五
十六
十七
十八
十九
二十

卷三

二



浙江圖書館

瞿式耜殉粵

順治二年乙酉八月福王起原任戶科給事中瞿式耜爲應天府丞旋擢右僉都御史代方震孺巡撫廣西時靖江王亨嘉據桂林式耜與焦璉定計令思恩叅將陳邦傳以兵攻桂林破之王被擒殺於福州九月唐王死於汀州式耜與魁楚奉永明王由榔監國肇慶王拜式耜吏部右侍郎東閣大學士兼掌兵部事十月王聞贛州破將趨梧州式耜爭之不能得十一月唐王弟聿錫據廣州總督林佳鼎敗破式耜視師

峽口四年丁亥 王師破廣州入肇慶遂逼梧州巡撫曹暉降遂襲平樂王將奔全州式耜疏言王留粵則粵在去粵則粵危我進一步人亦能進一步我去速一日人來亦速一日去而不守則拱手送矣言甚切至王不聽遂奔全州而進式耜交淵閣大學士兼吏兵兩部尚書守桂林三月 大兵薄桂突入文昌門登城橫以瞰式耜署援將焦璉拒戰甚力式耜亦身立矢石中與士卒同甘苦援兵索餉而譁式耜括庫不足妻郤捐簪珥助之故人無叛志旣而主客兵

不和璉兵譟而去城幾破矣會陳邦彥攻廣州大
兵引而東桂林獲全於是焦璉復陽朔平樂陳邦傳
復潯合兵復梧州王聞捷封式耜臨桂伯璉新興伯
餘進秩有差十一月大兵自湖南逼桂林式耜與
何騰蛟拒却之五年戊子二月郝永忠駐桂林與團
練兵相惡盡破水東十八村既與大兵戰靈川而
敗復大掠殺太常卿黃太元諸將趙印選諸營自靈
川至亦大掠城內如洗大兵聞桂林有變急來襲
騰蛟拒戰獲全閏三月李成棟據廣東來歸請王赴

廣州式耜慮爲所制急爭之乃駐肇慶成棟具疏言
式耜擁戴元臣不宜久在外王召式耜式耜以國事
讓成棟願留桂十一月永州衡州寶慶相繼恢復式
耜以機會可乘請王還桂林以圖出楚不聽六年己
丑正月何騰蛟被執於湘潭二月成棟敗歿於信豐
王命式耜留守督師兼江楚各省軍馬我朝亦遣
書招式耜式耜不從七年庚寅正月南雄報不守羅
成耀遁韶州亦失九月全州破趙印選在桂林胡一
青王永祚在榕江皆惶懼不敢出大兵遂入嚴關

十月榕江不守十一月諸將皆逃城中無一兵式耜
端坐府中俄揔督張同厥自靈川回入見式耜誓同
死因俱就執幽之民舍兩人賦詩唱和閏十一月殺
之風洞山下故給事中金堡時已爲僧名澹歸上書
定南王請收瘞式耜同厥不報吳江吳秬收而瘞之
北門之園

浙江

三
中
家
三
石
三
三
／
卷
三

三



浙 江 圖 書 館

孫李構隙

崇禎甲申張獻忠盜蜀僭號順治三年丙戌我肅王
西征殺獻忠於西充縣之鳳凰坡其黨僞平東將軍
孫可望僞安西將軍李定國僞撫南將軍劉文秀僞
定北將軍艾能奇僞都督白文選馮雙禮等呼集僞
衆奪重慶府殺平蜀侯曾英四年丁亥春由遵義入
貴州時雲南土司沙定洲作亂據雲南省城黔公
沐天波出奔永昌定洲追之聞兵巡道楊畏知據楚
雄起兵討賊乃留圍楚雄不能克可望在貴州聞滇

亂兼程趨滇三月二十八日屠霑益州明日屠曲靖
定洲急收兵還阿迷與可望遇於蛇花口接戰大敗
遁去可望遂取雲南右僉都御史宗室壽鏐以示明
王命募兵雲南爲可望所繫脅降不從被殺巡按御
史羅國瓏死之可望遂引兵而西遇畏知於於錄豐
縣畏知迎戰大敗被執不屈許以共獎明室畏知乃
降可望兵至大理遣人往永昌招天波並索道府印
署府篆通判劉廷標署道篆推官王運開咸曰印往
則我亦降矣乃相繼自縊運開弟運闕赴水死天波

降於是可望自稱平東王以劉文秀等守雲南可望
自滇回黔執總兵皮熊而釋之初可望赴滇熊由平
越收兵復貴州可望回熊不能禦走清浪衛可望使
白文選追執之可望既至黔設官鑄錢造符敕謀僭
大號而定國文秀等故等夷各自稱王不相下定國
尤强悍議齟齬不合六年己丑春可望杖定國於滇
武場以威衆孫李之際自此始己而定國率兵征沙
定洲獲之於湯嘉賓砦斬之兵益強可望不能制稱
帝之意始沮時永明王自立於粵東已四年矣可望

苦無以制其下願奉朔來歸因遣楊畏知入粵時武
康伯胡執恭屯泗州城知可望強欲藉爲援畏知至
則大喜遽矯冊封可望爲秦王而畏知至肇慶見王
道可望歸順意爲請封大學士嚴起恒都御史袁彭
年科臣金堡等執不可畏知言可望兵力強可藉以
爲用何惜一封號以樹敵楚南督師堵胤錫亦以爲
請乃議封可望景國公賜名朝宗定國文秀皆列侯
胤錫曾賜空敕得便宜從事遂矯命改封可望爲平
遼王使至可望先受秦封不受命遣人至梧州問故

王始知矯詔事馬吉翔請封可望爲潯江王使者言
非秦不敢復命嚴起恒與督師尚書楊鼎和科臣劉
堯珍抗疏力爭議遂寢七年庚寅十一月 大兵破
廣州下桂林王走南寧事益急乃遣編修劉蒞封可
望爲翼王仍不受時艾能奇已死可望并其衆益強
八年辛卯可望遣賀九義張勝張明志赴南寧索沮
秦封者九義遂追殺鼎和於崑崙關殺起恒而投之
水屍流三十里虎貞之登岸乃收瘞之并殺堯珍及
吳霖張載述等霖載述未嘗沮秦封以會劾主秦封

者故殺之於是真封可望爲秦王畏知見九義凶悖
痛哭入朝疏其擅殺大臣罪請誅之王因留可望入
閣辦事可望聞大怒遣鄭國執畏知以歸畏知望見
可望卽大罵以頭積擲可望面可望遂殺畏知望見
文秀素與畏知善聞畏知死益切恨可望是時大
兵日逼南寧不守九年壬辰春二月可望乘間遷王
於安陸先是 大兵已取湖南定兩粵定南王孔有
德提兵入黔定國禦之連破靖沅武岡入桂林當是
時定國兵力強甚不復稟可望約束可望忿甚已戰

於衡州而敗可望使人召之赴沅議事將因其敗而
殺之定國覺其意辭不行遂入粵西初可望遣雙禮
邀定國爲定國所敗擒而釋之故雙禮傾心定國十
年突已可望自率兵追定國猝遇我兵而敗歸則
盡殺明宗室之在黔者王處安隆勢日窮促知可望
與定國有隙乃與大學士吳貞毓謀先以計遣可望
腹心文安侯馬吉翔往南寧祭陵乃遣林青陽充使
封定國爲晉王趨使來迎定國奉檄感激流涕然以
兄事可望久未敢輕發一日劉議新自定國營過南

寧見吉翔語及定國受勅事吉翔大驚遽聞之可望
十一年甲午可望遣鄭國王愛秀至安隆索首事者
執閣臣貞毓極刑拷掠貞毓曰凡事宰相主持我約
李定國討孫可望是實諸臣無與而吉翔已報坐十
八人某主謀某草敕羅織成案於是主事張鐫太監
張福祿全爲國凌遲死蔣乾昌李元開李欣胡士瑞
徐極楊鍾趙賡禹蔡纘鄭允元周允吉朱議臬朱東
旦任斗墟易士佳等皆棄市貞毓以大臣賜自盡可
望憾定國益甚然以將兵在外不敢輕樹敵仍厚養

其妻子於雲南定國亦防可望襲之益取高雷廉州
以自固十三年丙申定國進攻新會大敗率殘兵奔
南寧將由安隆入滇可望偵知之使文選赴安隆勸
王回黔合官大慟文選雖爲可望用然心不直其所
爲因以情告王曰姑遲行候西府至西府謂定國也
定國至安隆文選歸之共奉王趨雲南王封文選爲
鞏昌王時守滇者爲劉文秀王尚禮王自竒賀九義
文秀數怨可望遂以數騎私迓定國迎王入滇王封
文秀爲蜀王尚禮保國公自竒夔國公令文選還黔

慰諭文選至可望啣其二於定國也悉奪其所部兵
羈之軍中然以妻子尚在滇未敢遽反十四年丁酉
春王使張虎送可望妻子於黔可望遂反可望諸將
馬進忠馬惟興馬寶最稱勇健而秦善於文秀且與
文選交密因從容謂可望言今諸將中才無出文選
右者大將非文選不可可望從之乃留雙禮守貴州
而以文選爲大將軍統諸軍前行九月定國文秀帥
師至三岔河與可望夾交水而軍文選輕騎奔定國
可望以李劉俱出會城必虛因遣張勝馬寶由尋甸

間道襲雲南而自將勁卒擊定國十九日戰方合惟
興等內叛將士大呼迎晉王一軍瓦解可望狼狽回
貴州而襲雲南之師馬寶不戰來降張勝抵城下尚
禮謀內應沐天波覺之守之以兵得不發定國兵回
遇勝於渾水塘擒而誅之尚禮仰藥死於是文秀文
選窮追可望於貴州可望挈妻子走長沙來降於我
經略洪承疇軍前雙禮爲可望斷後截其子女玉帛
來降於文秀同歸雲南王封雙禮爲慶陽王淮忠爲
漢陽王惟興與寶及九義俱進公爵其僞德安侯狄

三品僞岐山侯王會僞荆江伯張光翠以黨附可望
降爵有差惟文安侯馬吉翔善逢迎入閣辦事如故
十五年戊戌春正月可望至京師封義王

浙江圖書

孫李奔北

順治九年壬辰春二月定南王孔有德以七百騎出
河池向貴州 大軍駐柳州接應孫可望乃謀內犯
使李定國馮雙禮由黎平出靖州馬廷忠由鎮遠出
沅州會於武岡以圖桂林劉文秀賡先璧由永寧取
叙州白文選由遵義取重慶會於嘉定以圖成都可
望疏請封定國爲西寧王文秀爲西康王五月定國
進攻靖沅武岡俱下之有德還守桂林定國由西延
大埠疾趨而進 我師遇於全州不利七月四日定

國陷桂林獲前降將陳邗傳及其子會禹送貴州去
其皮而殺之有德自經死家口百一十人悉被殺惟
一女年十七逸出城單騎走京師哭訴於

帝帝憐而養之宮中後歸其原夫孫紅齡十一月我敬
謹親王尼堪統兵攻衡州定國敗土王率精騎追之
遇伏殞於陣固山佟圖賴監其軍定國收兵屯武岡
十年癸巳春定國回廣西可望使人召定國不至可
望自率兵追之大軍至寶慶與可望遇雙禮將左
文選將右我軍見可望龍旂急攻之可望北惟雙

禮軍不動 我軍鑿衡州之矢亦
追以武寶之間
爲界定國遂得據廣西已與馬寶
出懷集東攻肇廣
不能克秋攻高州破之雷廉俱下
二年乙未可望
犯常德敗績定國攻新會不能克
丁三年丙申春平
南王擊敗定國軍定國奔南寧遂
抵安陸秦王趨雲
南十四年丁酉可望來降於 王
卽十五年丙戌春
正月命楚蜀粵三路兵入黔定國
使劉正國楊武守
三坡紅關諸要險以防蜀馬進中
駐貴州四月夔國
公王自音永壽伯關有才反定國
自率兵討平之楚

兵自鎮遠入貴州屢告急定國不及援遂平貴州進
忠遁蜀兵至三坡劉正國奔回雲南蜀兵克遵義五
月蜀兵擊破楊武於開州之倒流水七月粵兵抵獨
山州十月三路兵俱集戒期入滇定國與雙禮等抗
雞公背圖復貴州文選守七星關示犯遵義以牽制
蜀兵十二月蜀兵出遵義趨天生橋入烏撒文選懼
走回霑益州泗州土官岑繼祿導與兵入安隆定國
使懷仁侯吳子聖禦之敗績定國回帥拒戰連敗大
營妻子俱散失諸將各敗走不相顧向寶等或來降

定國撤寨遁回十五日報至王走永昌十六年己亥
春正月三日 大兵入雲南二月友選敗於玉龍關
初文選自霑益追及定國因留之斷後二月 大兵
出雲南十月敗王國勛於普溯十五日至大理之玉
龍關文選與張先壁陳勝俱敗文選乃從沙木和走
右甸由鎮康而出木邦定國先伏兵於潞江之高黎
貢山中十八日 大兵抵永昌二十一日次潞江前
驅遇伏不利適中書盧桂生來降定國謀洩乃分精
甲先蹂伏去定國遇 大軍不能支因退師出騰越

走孟定而王已入納矣



浙江圖書館



浙江圖書館




浙江圖書館



浙江圖書館



浙江圖書館




三藩紀事本末 大興傅氏藏本 下

江圖書館



浙江圖書館



Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black